



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Alexis Sanchez in tax ape-khaw thu a puong-P4

Contact Numbers pawimaw :
 DC/CCPur : 03874-234234
 SP/CCPur : 03874-236747
 Police Station : 03874-202248
 SP Control Room: 03874-233239
 Dist. Hospital Casualty : 03874-233370
 Fire Brigade : 8974 147 799/
 8258 057 887 / 8974 103 600

Hmasawanna Thar Vol - 32/98

Churachandpur

email : hmasawannatharnews@yahoo.com

Phone: +91-3874-236846

Rs 6/- per copy

Siel, Vawk le Bawng thatin District lawm a nih Seminar nei a ni bawk



CCPUR: January 16, 2017 khan sun le zanin Pherzawl District Celebration Committee hmalaknain Pherzawl hmunah Pherzawl District thar lawmna puithu taka hmang a nih. Sun huna district lawmna programme ah John Lalramthang, Secy. PDCC in inhmehrietierna (introductory speech) a nei a, Upa L. Thanzam Pulamte in Pherzawl district pieng dan hrilna a nei bakah Pu Lal Hossan, Vice Chairman, ADCC le midang dang han thuhritawi hun an hmang a, zantieng Siel 2, Vawk 1 le Bawng pakhat thatin District lawmna mipui fekhawm han ruoi an kiltlang. District lawmna hin mihiem 2000-3000 vel an thang niin ei thu dawngna chun a hril. District lawmna hi Pherzawl DC Pu A. Tombikanta Singh, IAS le bieltu MLA Dr Chaltonlien Amo hai le district official tam takin an uop. Pherzawl



district lawmna huna thu ngaitlak rawn tak chu district piengna le inzawma bieltu MLA inpakna niin District lawmna thang haia inthawk ei thu dawngna chun a hril. Zan program chu 6:00PM khan tan a ni a, Upa Lalkhawsang in hun hawng tawngtaina a nei zoin mipuiin hla an sak a, hi zo hin Dr John Pulamte le A. Tombikanta Singh, IAS, DC, Pherzawl District han thuhritawi hun an hmang a, Pu Samuel Dargawn, Fin. Secy. PDCC in finance report a pek a, Pu Ramthanglien, Chairman, PDCC in lawmthu hrilna a nei zoin Pastor Lienhnuoilo in hun khar tawngtaina a nei. District thar lawmna le inzawm hin Jan. 15, 2017, 12:30Noon a inthawk Seminar khawm buotsai a ni bawk a, chu huna chu Resource Person in Pu (Prof.) L. Ruoiwel Pangamte, Dr Jire le Dr Laldena hai an

Uttar Pradesh Assembly First Phase Election Notification insuo Congress in Samajwadi Party an thangruol ding thu an puong

LUCKNOW: Uttar Pradesh Assembly Election Phase 7-a nei ding le inzawma First Phase-a dinga Election Notification chu zanikhan insuo a nih. First Phase Uttar Pradesh Assembly Election hi February 11, 2017 a nei ding a ni a, nomination paper file nuom hai ta dingin January 24, 2017 chenin file thei ning a ta, inhnukdawk nuom han January 27, 2017 chenin inhnukdawk thei an tih. Uttar Pradesh first phase Assembly Election hi districts 15 huom sunga constituencies 73 haiah inthlangna hi nei ning a ta, voters 2.57 crores chuonin votes thlak an tih. Phase tawpna tak chu March 8, 2017 khin nei ning a tih. Uttar Pradesh As-



sembly Election hung um dinga hin Congress chun tuta sawrkama siem mektu Samajwadi Party an thangruol ding niin zanikhan AICC General Secretary Ghulam Nabi Azad chun chanchinbu reporters hai kuomha a hril a. Tuta inthawk ni 2 huonga an thawtlang dan ding le seat an insem dan ding hai an puonglang ding thu a hril bawk. Mr Azad hi Uttar Pradesh party affairs incharge a nih. Congress le Samajwadi party han thangruol tuma inbiakna hi tuta hma ni iemanizat liemta inthawka kha an lo nei ta hrin a nih. Chief Minister Akhilesh Yadav inrawi Samajwadi Party chun As-

sembly seats 403 umah Congress chu seats 90-100 pek an remti a, hi baka hin Ajit Singh party RLD le Nitish Kumar party JD-U hai khawm thangruolpui dan lampui an dap zing bawk a nih. Hieng laizing hin, Samajwadi Party le Congress Party an thangruol ding chun Congress in tuta hmaa Chief Ministerial candidate dinga an lo ruot Delhi CM hlui Ms Shiela Dikshit chu an hnukdawk a hung tul ding a nih. Tuta hma khan Congress chun CM candidate an lo ruot ta chu hnukkir an hnel naw thu an lo hril tasa a nih. Hi thua hin Ms Sheila Dikshit khawmin, Chief Ministerial candidate pahni a um thei naw leiin Congress CM candidate dinga ruot a ninaa inthawk inhlip an pei zan thu a hril bawk. Mr Akhilesh Yadav chun zani zingkar khan party symbol "Cycle" thua a lo inkingpui a pa Mulayam Singh Yadav an hmupui. Mr Akhilesh chun, a pa le an inzawma inchat theilo a ni thu a hril a, Mr Mulayam Singh (77) chun party symbol a chang ta nawna thua hin a naupa khing dinga party thar an din naw ding thu a hril a, sienkhawm Akhilesh chu ama camp tienga candidate dinga a thlangsuok mi 40 hai chu party ticket inchangtir ngei dingin a phut niin ei thu dangna chun a hril. Party candidate thua hin a pa Mulayam leh an didan 90% an ang thu hrilin candidate list sukfel vat a ni ding thu a hril.

Truck an hunglung tan

IMPHAL: Zani zingkar inhmatak khan thil chitum tum phur Trucks 300 vel hai chu security Escort khau tak hnuoiah Jiribam suoksanin Imphal an hung pan tawl a, hienghai laia thenkhat chu zani zan khan Imphal an hunglung tan tah. Truck-hai lai hin petrol phur Trucks 2, Diesel phur

Trucks 3, LPG phur Trucks 15, FCI bufai phur Trucks 42, Cement phur Trucks 123, damdawi phur Trucks 5 le ATF phur Trucks 4 an thangsa. Security escort nghakin Truck (full loaded) 1000 chuong an la um. Tum khatah Trucks 300 pei security escort pek an nih.

Bravery Award, 2016 dawng mi 25



IMPHAL: National Bravery Award- 2016 dawng dingin mi 25 (nuhmei 12, pasal 15) thlang an ni a, hienghai laia mi 4 hai chu thi hunnga pek ding an nih. National Award dawng dinghai lai hin Master Moirangthem Sadananda Singh, Manipur, (L) Km. Roluahpuii (13) le (L) Km. H. Lalhriatpuii (14), Mizoram hai le Master Thanghilmang Lunkim, Nagaland hai an thangsa. Hi Award hi Jan. 23, 2017 khin New Delhi

ah PM Narendra Modi in sem a tih. Award laia mi in an inhnartak Bharat Award chu Arunachal Pradesh a kum 8 mi (L) Kumari Tarh Peju in a ruolhai 2 hringna sanna dinga a hringna anhlai laia pek ning a tih. Geeta Chopra Award chu kum 18 mi Tejasweeta Pradhan le kum 17 mi Shivani Gond hai inhlai ning an ta, anni chu West Bengal mi ve ve niin, International sex racket a thuoiu tak New Delhi a man theina dingin NGO le police hai huoiem taka an thangpui leia inhlai ding an nih. Sanjya Chopra award chu Uttarakhnad a kum 15 mi Sumit Mamgain in a unaupe sanna dingin huoiem taka Leopord an suolpui lein inhlai ning a tih. Award dawng ding hai New Delhi-ah President Pranab Mukherjee in lawmlutna lo nei a ta, Republic Day parade a khawm thang tawl an tih.

Road marking an sunzawm



CCPUR: Traffic Control Police (TCP), CCPur chun January 17, 2017 khan Civil Police le VDF hai leh thangruolin Teddim Road-ah lampuia kea inlawm hai ta dinga lam tanna ding inchikna (Road marking) an thaw sunzawm. Road marking hi a bikin College le School umna hmum lamthuom (junction) haiah

thaw a ni deu tak. Hi thil hi Road Safety Week hmangna le inzawma thaw a ni a, Road Safety Week sunga sin an zo hman lo hai thahmangaina leia an sunzawm a nih. Hmantieng peia khawm lane devider hai an la thaw sunzawmpei ding thu an hril. Road Marking naa hin Weather Coading hmang a nih.

CHANCHIN LAKTAWI

Diesel an sem

CCPUR: Zanikhan Suakhnun & Sons Oil Pump, Bijang chun Diesel litres 8,000 hunglung thar hai an sem a, Heavy vehicle hai litres 40, Light Vehicle hai litres 20 le 3-wheeler hai litre 10 peia pek an nih. Thautui dit an tam hle.

EFCI 39th Annual Conference

CCPUR: Evangelical Free Church of India (EFCI), Saikawt Presbytery Naupang Sunday School Dept. Northern Division 39th Annual Conference chu January 19-22, 2017 inkar sung khin "Naupang Rawl kha Lalpa'n a Hriet" ti thupui hmangin Khawmawi EFCI Biek-in-ah um a tih. Khawmpui sung hin thu le hlaa inruolsiekna um a tih.

CMO in thawktu thar hai an hmupui

CCPUR: Dr Kim Simte, CMO, CCPur chun zani 11:00AM khan National Health Mission (NHM) hnuoia thawktu lak thar hai a office chamber-ah an hmupui. Tulai hnai khan CCPur district-a NHM hnuoia block tum tum haia thawk ding 31 lak thar an ni a, hi meeting-a hin a tamlem an thang a, CMO le Zengnailun, DPM han sin thaw dan ding hrilhrietna an nei.

GAS NEWS

Agency: SAS
 Booking: 5th. Oct, 2016. to 4th. Nov., 2016
 Delivery :18-01-2017 (WED)
 Time : 8AM- till stock
 STOCK : 306
 Rate: Rs. 737/-
Agency : VANGSEI INDANE
 K. Salbung, CCPur
 Booking : 23-11-2016 to 29-11-2016
 Delivery :18-1-2017 (WED)
 Time : 8AM till stock
 STOCK : 306

Doctorate Degree hmu thar

CCPUR: Tv. Jehova Jire L. Hmar @ Jehova Jire Sellate, s/o Evan (Upa) Ginkhothang @ G.K. Thanga le Pi Lalremsang @ Remsang of Rengai, CCPur chun Department of Physics, National Institute of Technology (NIT) Agartala hnuoiah Doctor of Philosophy (Ph.D) a hmu a, Jan. 16, 2017 khan official takin a degree hmu hi inhlai a nih. Ph.D. a hmuna Thesis chu "Growth and Characteristics of Semiconductor-Polymer Nanocomposites for Flexible Electronic and Optoelectronic Devices" ti a nih.



Dr Jihova Jire L. Hmar hi Central University of Jammu, Jammu & Kashmir a Assistant Professor, Dept. of Physics & Astronomical Science sin thaw lai mek a nih. (SimlengNews)

AGEI Triennial Conf. zo

CCPUR: January 13-15, 2017 sung khan Dimapur, Nagaland hmunah Assemblies of God of East India 25th Triennial General Conference hmang a ni a, hi taka hin CCPur a inthawk khawmin palai tam tak zu thangin dam le him takin CCPur an hung tunglawk tah. Conference sunga Speaker hai chu Rev. Robert Jeyaraj, G. Superintendent, AGNI le Rev. V.T. Abraham, G. Supdt. AGSI hai an ni a, Special Guest in Rev. Dr Hulda Buntain, Founder President, Kolkata, P.S.

Gary Gipson, USA le Mrs Nancy Gipson, USA hai an thang. Conference a hin palai fekhawm han kum 2017-19 sunga AGEI thuoiu thar ding thlangna an nei. Thuoiu thar dinga thlang hai chu-Rev. Moses Murry- G. Superintendent; Rev. M.S. Nongrem- G. Asst. Supdt; Rev. R. Sanga Keivom- G. Secretary; Rev. Dr L.H. Jacky- G. Treasurer; Rev. N.G.K. Haokip- G. Member; Rev. Maina- G. Member le Rev. Mangthuma- G. Member hai an nih.

A thing ngawr naah changsuolin a thi

PARBUNG: Tv. Thanrelo (35), s/o Darlienkhun of Parbung chu zanikhan Pherzawl District huomsunga Parbung ram sunga a thing ngawr naah changsuolin thinglera inthawkin a tla thla a, damzo lovin a thi. Hi thil hi zani sun dar 12 vela kha tlung a nih. A ruong vawisun hin Parbung thlamuolah vuiliem ning a tih.

Simkhawlei an hning ding chun

CCPUR: Simkhawlei 5.5 richter scale a inthawka a chungtienga hrat an hning ding a ni chun hrietlawk thei dan a um a, chuonghai chu, an hning dinga inthawk dardar 10-12 hmain ranhai um dan le inhran dan a hung danglam a, Hospital a nau nei ding a hma mi nekin 5-7 velin hung tam an ta, an hning hma dardar 8-10 in TV, Radio, Mobile phone, Wireless hai hmang thei lovin an hung buoi tan ding a nih tiin Dr Arun Bapat chun a hril.

Thla 2 sungin Dist. hospitalah naute 17 an thi

CCPUR: Zani zantieng 2:00PM khan Dr J. Son Goukham, Medical Superintendent, Dist. Hospital, CCPur inrawinain a Office chamber-ah Facility Based Child Death Review meeting nei a nih. Hi huna hin November le December, 2016 thla sunga District Hospital, CCPur a naute pieng le naute thizat hai ennawn le hriltlang a nih. Hi huna report dungzuiin November, 2016 thla sunga khan ni 28 le a hnu-



oiitieng naute 3 an thi a, ni 29 a inthawk kum 1 chena upa inkar naute 1, kum 12 hnuoiitieng naupang 3 District Hospitalah an thi a. December, 2016 thla sungin ni 28 le hnuoiitienga upa naute 3 an thi a, ni 29 le kum 1

inkar naute 3 le kum 12 le hnuoiitieng naupang 4 an thi. Thla hni sunga district hospital-a naute le naupang thi umzat hi a rengin 17 an nih.

Review meeting huna hin Dr Nengkhannang, Dy. Medical Supdt., District Hospital thangin Pediatrician, Matron, Gynecologist, Anesthetis, Hospital Consultant, Manatger, Children Ward Sister in-charge le Labour room sister in-charge hai an thang. Department motor ni

NID/IPPI le inzawmin DTF-I meeting nei

CCPUR: National Immunization Day/Intensified Pulse Polio Immunization (NID/IPPI) 2017 ding le inzawmin zani 11:00AM khan W. Ibohah Singh, Addl. DC, CCPur office chamber-ah District Task Force-Immunization (DTF-I), CCPur chun meeting an nei. Hi huna hin NID/IPPI, 2017 hmang dan ding le budget hai hriltlangin approved an thaw nghal a, pawisa laksuok le Department in motor le thautui a mamaw ding hai chu DTF-I Chairman Lunminthang Haokip, IAS, DC, CCPur kutah mawphurna an pek.



lo motor dang hmangsa a tul chun District Transport Officer, CCPur in a hung ngaituo ding; Intersectoral/Interdepartmental Involvement of SDO, ICDS le a dang dang le inzawm draft siem a, DC kuma peklut ding le naute kum 0-5 inkar Zenghri vengna damnawi (Polio) tukhawm pekhami um loa Media, NYK, ASHA, AWW, AWH le a dang dang hai le thawtlang dingin an rel bawk. NID/IPPI 2017 hi January 29, 2017 khin Lunminthang Haokip, IAS, DC Churachandpur in hawng a tih.

VAWISUN THUPUI

Hlein um naw ro; Pathien chu hmusit zie an nawh; mi tukhawmin a the ang bawk chu a sik nawk ding a ni si a. Mani tisa tienga thetu chun tisa sietna chu sik a tih; Thlarau tienga thetu ruok chun Thlarauva chatuona hriengna a sik ding a nih. - Galati 6:7-8

Editorial

Suol ngainatthiemna

Suol hi a chi a tam a, hrii seng ding a ni nawh. Mi-hriem ngaidana chun suol lien deu le suol chin deu dam, suol nep deu le suol turu dam ei inneitir niin anlang. Pathien ngaidan ruok chu a ni dim maw? Pathien ngaidan chun suol chu angkhat vawngin a ngai ring a um. Corruption dam, thamna tam, tuolthatna dam, nuhmei suolluina dam, nawchizawr dam, drugs addict dam, Zu dawn dam, ruk inrukna dam, bank rawk dam, mi suom dam le a dang danghai chu suol em em, suola khawm suol turu deu in ei ngai bik niin an lang. Khel hrii dam, mi hlem dam, nuhmei inruk dam, thil chin tham deu a neituhai hrii hrii lak tihai dam hi chu suolah khawm ei ngai naw niin an lang. Kohran pawl tum tum hai khawmin suol thawhai hi Kohran dan puoah ei hnawtdawk ngam ta naw a, nuhmei inruhai chau ei hnawtdawk ngam tawk a nih.

Thangthar hai lai suol ngainepna le namulna a hung pung deu deu a. Suol hi ei theida tawk tak tak naw niin anlang. Indik mang lova thil thaw khawm paw ei ti ta nawh. Mi suol le thil indiklo khawm ei hnawtzui naw a, ei ngainatthiem pei el tah. Man, hrem le sukmuolpoh an ni ngai naw lein ei khawtlangah suol a zalen a, suol ei vai ngam a, indikawna chi hrii hraniin ro a rel a. Indiklo deu a thil thaw khawm ei pawiti ta nawh. Suolthawhai le indiklo taka thil thaw hlak hai hi manin hrem ni zat zat hai sienla chu tum ei ngihmun nek hin chu ei zieuem deu ngei ring a um.

Suol le indik lo taka thil thaw hlak hai man a, hrem ngam ei ramin sawrkar le thuoitua a mamaw ngawi ngawi a nih. Ei rama Court insang tak Supreme Court le High Court meuin dan kal, suol le hrem thei nia a rel tasa hai khawm hrem ngam lo sawrkar le thuoitua ei nei hi India mipuihai ei vanguarduoina a nih. Dan angin hrem ngam sienla chu Economic Blockade le bandh tihai dam hi ei ramah um ngai naw ni a, hadam hlung ei ta, ei harsatna tuok khawm a hung nep deu ring a um. Suol theida ngam ding, misuolthai hrem ngam ding, dan ang taka rorel ngam ding sawrkar le thuoitua huosen ei mamaw bek bek el a nih. Rorelna indik ei dit a, ei mamaw hle bawk.

Corruption khawm hi ei theida tak tak ta naw a, ei hriimawi thiem a, ei ngainatthiem pei el ni tain an lang. Ei tawngbau chun a that nawzie, ei dem thu le do ding a ni thu ei hrii rawp lak. Ei sawr tangkai nuom lein do nekin corruption thaw thei hai chu ei tlawn tha a, an bula intuklut khawm ei rin der nawh. Kohran pawl tum tum hai khawm Corruption thua hin an fet ngam ta naw a, an ngainatthiem a, an namnul pei hlak. Kohran thuoitua thenkhatin khawvel fe dan annawleh tulai thaw dan an nawm tiin an la hang hriimawi nawk nghal. Corruption theidatuhai ta ding chun lem a harsa deu a nih.

Manipur hi India rama corruption hluorna state hai laia thang phak nia hrii a ni hlak a, sui chiengna tak tak a um naw a chu, mita ei hmu le nakawra ei hrii haia inthaw el khawm hin ei nep rak naw ti chu hmu thei le hrii thein a um. Sawrkar thawktu le politician-hai hausak theina ram taphawt chu corruption hluorna a ni hlak ti a nih. An dik ngei khawm ring a um. Hlaw ringawt hi chu hausakpui tham a ni nawh. Mithiem han an rank ang le standard le inmil dinga an siem a ni lein side income nei nawhai ta ding chun hausak thur theina ding leh an dai nawh.

Mihai mi demna dam, an mi sawiseln a hmusitna hai hi chu ei theida bek bek a, Court hielah inkingpui khawm ei ngam hlak. Suol ruok hi chu ei theida bek bek naw mani ding ti theia a um chang a um hlak. A san chu ei ngainatthiempui thei tlak a nih. Ngainatthiempui naw inla, a khawphek le a ram phekin do ngam hlak inla chu suol thawtuhai hi an thla ngam nawng a ta, suol hi a hung nep deu ring a um. Kristienhai le Zohnathlakhai thaw ngam ding nia ei ring phak ngai der lo hai khawm ei ramah hin suolna a hung um pei el ta a nih. Suol theida le dona kawngah hin ei tlawm let der ta niin an lang.

ALL INDIA RADIO: CHURACHANDPUR PROGRAMME
Date: January 18, 2017 (Wednesday)
TRANSMISSION: FM-101.4 Megahertz

Hours	Studio/	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcement Mangal Dhvani	
5.30pm	P	PAITE Prog. Sig. Tune & Announcement Announcer:Gousianmung 1) T.G.Lian Valte & party (mod) 2) Lianlunching (mod)	CD-31/5-8
6.00pm	P	HMAR Prog., sig. Tune & Announcement Announcer:Lalhunsang 1) James Joel Joute (mod) 2) Lalremzo Pulamte (mod) 3) Talk: "Adolescence stage and its care" by Lalnithar Joute	CD-65 CD-65 CD-901
6.30pm	P	THADOU Prog., sig. Tune & Announcement Announcer:Seikhopao 1) Ngaivei & party (trad) 2) Talk: Education way for peace and development" by Karnkhotinsei Touthang.	CD-1083 CD-1629
7.00pm	P	FARM & HOME: Thadou 1) Thiengnu Haokip (dev) 2) Talk: "True love waits" by Hemkikhomang Haokip	CD-1132 CD-1621

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien@SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

THIL MAK

-Samuel Zothanglien @ SZ Zote Hmar

Bible-a hin thilmak tam tak a um ti ei hrii seng a. Thuhtlung Hlui huna khawm thilmak tam tak a tlung a, Isu khawma thilmak, mihriem ngaia awi um lo em em tam tak a thaw bawk a. Mosie'n Tuipuisen a vuoktan dam, Isu'n mithi hnung - Lazar a keitho dam, khou intam, utawk inlung, Peter tui chung a lawn dam, Josua'n nisa an chawltir dam hriiseng lo a um.

Hieng ei hriihai po po hi a mak nawh ka tina ni lovin vawisun chu kei telu hin thildang dang ka ngaituo a, khawvel awptu ei Pathien ropuzie a min ngaituotir a, khawvel fe dan reng reng hi i lo ngaituo ve hlak dim chuh. Vadunga tui luong hieu hieu dam hi ngaituo chet chet chun mithi keitho tihai leh a makna a danglam bikin ka hrii nawh. A luong ngat ngat a, kang ti hlak um lo, tuifinrietah a luong lut zing a, bit ti hlak um bawk lo. Chu tuifinrietah mi chu tuihü (water vapour)-in vansungah a kai nawk a, chu chu ruo-tuuiin a hung sür nawk a. Ngaituo chet chet ta, iengkim chung a thuneitu le relbawltu hin chu a rel fuk a nih.

Zing khuo var tawmah rannung, iengah ei ngailo arin an mi tho khal a, a hunbi indik takah an hung khuong a, tun am zingkara khuong zie dingin a hrii am ning a ta? 'Khuong naw rawh' ti ringawt inla an khuong naw chung ding am? Ngaituo tam, mak ve tak chu a nih, a hun an theinghil naw tawp el hlak hi. Zana inhaw deuin nghuak ei leng a, la hei um met ei nuom zing lai an ar a hung khuong al al a, zuk um zing na chi a ni ta ngai nawh. Chu chu 'lenghnawtsuo khuong' ei ti hlak. A huna khan an thaw dang pangaiin an hung thaw el a nih. Ngaituo ta, mak i ti ve naw maw?

Tük tina saktienga inthawka nisa hung suok dam hi ngaituo veng veng chum mak ve tak chu an naw maw? Nisa a hung inlang a, a lum tiel tiel a, zantieng thlang tieng a hnai nawk deu a a dei nawk tiel tiel a, mak hi ka ti em em el a nih. Zingkara nisa kha a dei bik an nawh a, suna mi a lum bik khawm a ni chungo nawh. Anachu nikhat sung khawm a lumdan le dei dan a danglam bawk si. Mihriem le rannung hai le thlaihai ta dinga hun tawk charin a var a hung insuo el a nih. Iengkim chung a thuneitu le reltu chu a um ngei a nih ti a sukchieng hle'n ka hrii hlak.

Ei hei ngaituo zawm nawk pei chun thing le ruo le thlai danghai hin mihriem ta dinga pawimaw Oxygen an inthuoikdaw a, eini'n boruok tha lo Carbon Dioxide ei inthuoikdaw hi an lo hiplut ve nawk a, ei hrii naw kar hin thing le ruohai le hin damna le malsawma ei lo inhlân-tawn zing a nih ti ei ngaituo chun mak ve tak chu a nih. Iengkim siemtu hin chu a lo siem fankimin insit a um naw hle a nih.

Zantieng a hung ni a, lo vai inlawi a hung hun a, ramsa chitinreng khawma an riekbuk tieng an pan a, a hun indik taka khan an châng chat chat el a nih. Riekmaw vate khawm a rieknä ding zawngin a vuong kuol a, an hrâm malam zing hlak bawk.

Riekna ding inwai tak tak a ni chungo hrii nawh, a huna khan inpel lovin a hung inhram a ni chaw lem a nih. Sûna hin riekmaw hi an inhram zen zen ngai nawh a, mihriemhai lungril la thei dingin a hun takah a hung inhram el hlak a nih. Ngaituo chet chet chun tuipui intan leh a makna a danglam bikin ka hrii nawh.

Zan a hung ni a, thilring chi hrii hrii khuongbai, khuongchiritai an hung tho a, mihriemhai ngai nuom em em dingin an rawl an hung insuo a, tukhawma ei va ko le inhrâm dinga ei va fiel khawm a ni ngai nawh, a hun takah siemtu ropuzie an hung tarlang el hlak a nih.

Nisa inlang ta naw sien khawm thlapa a hung suok ve thung a nisa var hmang bawkin thlapa chun var a hung insuo a, a en an hawiiin a mawi em em a, Full

Moon zan lem chu mihriemhai a sukkhawsawt zoolin thu le hla tam tak a pieng pha hlak. Mak ve tak chu a nih. A thenin an tappui a, a thenin an innuipui bawk. Mihriem lungril a va tawkdanglam thei ngei. Siemtu ropuzie suklangu ta lo ni zing ang reng bawk si.

Thlasik a hung ni a a hmaa nisa lum em ema ei hmu hlak kha a pangaiin ei hmu zing a, anachu nisa dang khawm ni lo a pangai tho ni bawk si kha a dei nawk em em, a umna a hla deu leia a mi emlum phak naw khawm an nawh, a hun indik takah a dei em el lem a nih. Ngaituo ta u, mak ve tak chu a nih. Iengkim siemtu le induongtu le rëllawktu thurel le remruot chu hlek khat khawm ei säwidanglam thei nauw. A hnampum el bakah a ram pumpuiin, 'Tukum thlasik chu suklum met ei tui, ' ei ti thei nawh. A dei ang ram kha ei tuor el a nih.

Für a hung ni nawk a, ruo a sur tam nawk em em a, mimkei, tuilien a hung tlung a, a then ta dingin sietna an tlun a, anachu thlai ei chinghai ta ding ruok chun malsawma a lo ni nawk ang reng si. Ruo sür ding zat hlak ei nuom thu ni lo, a sür zat zat kha a sur el a ni si. Mak tak chu a ni naw maw? Thâl a hung ni a, ruo a sür nawk ta ngai nawh a, thinghna a hung kaw l a, van an thieng em em a, khawsawt mihai ta ding lem chun tuor intak khawp a ni hlak. Ei thuneinaa ei säwidanglam thei hlak a ni hlawl si nawh. Pathien ei va hei tluk naw char char de aw. Harsatna le thil tuor intak tlung sien khawm a siemtu'n ei thatna ding ngaituo a an lungtir a ni tho tho a nih.

Tlangrama kan um lai khan ka la hrii zing le ka ngaituona min fektirtir hlak bek bek pakhat chu kum nawka ding thingkawlkäi tu nawk ding - a chi an sie that chu kei ka nek hmama hre lem vawng ni ngei in tih. A kâu tawng khat naka tawi tanbawng an khit khawm ram a, rapah an inhw taw l taw k a, chu chu a kum nawk thläichi tläk hunah lo hnawmah hnuoi sungah an phum nawk a, chu chun der thar a hung insuo nawk el a nih. Mihriem ngaiha chun thil theilo ang tluk a nih. Thingkawlkäi kâu taw l chu iengt i kawng zawnga der thar hung la thei amana ti hi ei ngaituo hlak dim chu. Mihriem varna le thiemna chun a hriifie po hlawl ka ring nawh.

Chuong ang bawkin väimim chi khawm a ni tho. Väimim käwm tha a tha deu deu chu khithkawmin rapah an inhw taw l a, a kum nawk chu väimim mal chu hmalin a taw l taw k chu hnuoia an tu nawk a, a taw l ta hnung ku chu a hung mäwng nawk el a nih. Mak ve tak chu a nih hei ngaituo chet chet tam. Mihriem varna le thiemna chun hriifie ngaina hlawl um dingin ka ring nawh.

Thukhärna

Eini mihriemhai ngei khawm mak tak ela pilvuta siem ei nih ti chu ei Bible-in a mi hrii a. Hun sawtnawt khawvelah ei hung inlang a, ei hun a bo pha chu pilvuta bawk ei kir nawk el ding a nih. A hmeltha deu le a sie deu, a dum le ngo, a chin le lien; a tu tu khawm ei inthanna le ei tawpna chu thuhmun vawng tho a ni lein thukhawm inngaisang bik ding ei um naw a, tukhawm ei hmusit bik ding an nawh. Ei hausak leia pilvut ei nina peihmang thei an nawh a, ei hmelthai lein khawvela ei um sung ding minute khat khawm ei keisei thei naw bawk. Hi lei hin nina inang vawngin khawvelah ei cheng tlang a, ropui tak; ngaituona nei thei dinga siem ei ni angin a mi siemtu ropuzie le thilthawtheizie hi pilvuta ei kir nawk hma ngei hin ei châng dan, ei khawsak dan le ei nitin hmang hin inlangtir inla chu hun tawite khawvela ei inlang sung hin inlang man um deu ngei ei tih.

Rengkai, 12th January 2016

ASSOCHAM's Conference

IMPHAL: January 19, 2017, 10AM a inthaw khin Hotel Classic Grande, Imphal, Manipur hmunah ASSOCHAM's Conference on Linking Prospective Food Entrepreneurs with Government Schemes & Markets um a tih. Conference hi Ministry of Food Processing Industries (MoFPI), Govt. of India hnuoia APEDA, NAB-ARD, NEC, MIDH, QCI le ICAR hai le thangruola ASSOCHAM in a huoi-hawt ding a nih.

Conference a hin Chief Guest in Manipur Governor Dr Najma Heptulla thang a tih.

Nagaland Health Project a dingin WB in \$ 48 million

NEW DELHI: Nagaland Health project a dingin World Bank le India sawrkarin \$ 48 million agreement an ziek. Fund chu Nagaland state sunga health services hai sukhmasawna a hmang ding niin, thlang bik hmun thenkhatu hai health projects hrii hrii siem ning a ta, health facilities hai sukhmasawm ni bawk a tih. Project chun mi lakh 6 hai dawmsangin an hamthapui dinga hrii ani a, health

facilities sukhmasawmin system-wide investment a ding khawmin fund chu hmang tangkai ni bawk a tih.

Finance agreement chu Raj Kumar, Joint Secretary, Department of Economic Affairs le Genevieve Connors, Acting Country Director, World Bank, India haiin an signed ani a, Nagaland health Project chu March 31, 2023 a zo hman dinga riruong siem a nih.

Ni 2 sung aw ding Delhi Assembly winter session tan

NEW DELHI: Ni 2 sung aw ding Delhi Assembly winter session chu zanikhan tan a nih. Delhi Lieutenant Governor thar Anil Bajjal in DTC bus fares chingthua file a pekna le inzawng session chu nei niin, ni 2 sungin DTC bus fares thu chu ngaituo tak ni dinga hrii a nih.

Opposition thuoitua Vijender Gupta chun Delhi Lieutenant Governor in thuhrlina a nei naw lein sawrkar a sawisel a, Delhi LG chu

winter session hawngna a thu a hrii naw lein, an zaumna sukbo in, a office inzana sawrkarin a pek naw niin a hrii a nih. Delhi Legislative Assembly rules Section 19 (1) dungziin, kumtina session hmasatakah Lieutenant Governor in Inpui inthung hawngna neini, thuhrii khawm a nei ding thu Gupta chun a hrii a. Kumthara session hmasatak chu 4th session a part 6 ang ela siem niin, dan bawsietna nasatak niin Gupta chun sawrkar a suosal a nih.

MH370 vuongna tuoksiet tuok zawngna sin chawlsan

SYDNEY: Malaysia Airlines Flight 370 vuongna tuoksiet tuok chu Indian Ocean le hmun dang dang haia nasa taka zawng a ni hnungin a hlekta ding awm khawm hmu a la ninaw zing lein chawlsan a ni tah. Joint Agency Coordination Centre, Australia khawmin hi vuongna thla zawngna dinga hin dollar 160million zet a lo thawlawnm ta a nih. MH370 vuongna thla thla zawngna sin hi uluk le ngawr takin khang chen kha thaw a ni a, hmangruo



tha le changkang tak tak hai khawm hmang a nih. Sienkhawm search zone square kilometre 120,000 huop sunga nasa taka zawng a ni hnung khawmin hmu a ninaw a, tui hnuoia hi vuongna zawngna sin chu sukchawl phawt a ni ta a nih. Australia bakah

Malaysia le China hai khawmin hi vuongna thla zawngna dingin fund an pek ve a, sum tam tak zing a ni a, aviation history a dingin vuongna thla thla zawngna sum seng rawn takna la nia hrii a ni bawk a nih.

Malaysia Airlines Flight MH370 hi March 8, 2014 a kha Kuala Lumpur a inthaw Beijing pana vuong, a umna chin hrii lova inhmang a ni a, a sungah mi 239 an chungo a, a tamlem chu China mi an nih.

Student 2 le tour guide an sat hlum

KANNUR: BJP-RSS activist ni dinga ringhla hai chun zani zingkar khan Thalassery-a Brennan College students le tuor guide hai an bei a, student pahni le tour guide hai chu an sat hlum. Hi thil hi zani zingkar 5:30AM vela kha tlung a ni a, Tour fe hungtlung hlum student mi 21 ruolhai chu BJP-RSS gang hai hin an college campus-ah fein hrawl le chemsei (kawhnam) hmangan an va bei nia hrii a nih. Hi thil tlung thina tuok hai chu tour guide Arin of Cherukuli; Ashwin (25)

le Abhirag (26) hai an ni a, Brennan College-a B.Sc. (Mathematics) inchuklai an nih. Nuhmei thangin student iemanizatin hliemna an tuok baw k a, sienkhawm dam le himin hostel-a inthaw an tlansuok hman taw l a nih.

Police chun ABVP le SFI hai kara inhriethiem-nawna leia hi thil hi tlung ni dinga an ring thu an hrii. Hliem hai chu Koduvalli Cooperative Hospital-ah admit an ni a, Police chun hi thil tlung le inzawm hin case an registered bakah an suizui mek.

Naxal hai hnawt suokna dinga Chhattisgarh thlawp ding

NEW DELHI: Chhattisgarh le a sevela che hlak Naxalite hai hnawt suokna dingin sawrkar thlungpuiin Chhattisgarh sawrkar a thlawp tlak ding thu Home minister Rajnath Singh chun a hrii a. Raipur a ama irawina hnuoia high-level meeting an nei huna Home Minister chun a hrii niin, Chhattisgarh sawrkar chu ramhnuoini hai dona kawngah iengtiklai khawm support a pek zing ding thu a hrii a nih.

High-level meeting a chun, Naxal hai awpdena biel sung haia hmasawna

thaw dan lampuihai ngaituo niin, mipui hai hmasawna dinga project hrii ram implement thaw dan ding hrii a nih. Naxal hai hnawt suok an ni theina dingin, an awpde le an chetna hlak khuo haia lampui sukliein ding thu le, 850 km a sei road thar siem ding thu Home Minister chun a hrii.

Home Minister chun Chhattisgarh-ah police station thar 50 hawng ding le mobile tower thar 35 siem belsa ding thu a puong a, Chhattisgarh Chief Minister Raman Singh khawm meeting a chun a thang ve a nih.

Naga dentist in 'Indian Health Profession Awards 2016'

DIMAPUR: Nagaland mi Dr. Temjennungsang Longchari, Dental Touch & Facial Aesthetics, Dimapur a sinthaw mek chu Indian Health Professional Awards 2016 inhlam ani a, January 14 kha Pune-ah awrad dawngsawngna a nei. Dr. Longchari chu "Best Practicing Dentist of the year" le "Dental Leadership Award" category haia arard dawng niin, hi award dawng ding hin ram-bung 3 a state 24 le khawpui 60 haia inthaw doctor thiem tak tak hai nominate an nih. Dr. Longchari chu Nagaland state le Naga hnam sunga doctor hai laia National health professional award dawng hmasatak a nih.

erShip Award" category haia arard dawng niin, hi award dawng ding hin ram-bung 3 a state 24 le khawpui 60 haia inthaw doctor thiem tak tak hai nominate an nih. Dr. Longchari chu Nagaland state le Naga hnam sunga doctor hai laia National health professional award dawng hmasatak a nih.

LTTE member a hung thawnkir ding

TORONTO: Canada sawrkar chun Liberation Tigers of Tamil Eelam (LTTE) ta dinga fund zawngtu Tamil Tigers hlui Manickavasagam Suresh chun Sri Lanka tieng hung thawnkir a tum tah. Suresh hi kum 1990 a kha LTTE Sri Lanka Tamil hai movement a ding World Tamil Movement-a coordinator anga Canada rama a lo tir

a nih. A hma chun Ottawa in a ban terrorist member a ni lein an ram tienga hung thawnkir ding hi a lo khap a nih. Ama hi kum 1995 a kha man tah a nih. Kum 2009 a LTTE hai sukrem an ni hnungna Tamil Tiger hotu an ram tienga thawnkir hmasa tak ding a nih. Canada hi Sri Lanka Tamil hai tamna tak hmun a nih.

DISTRICT HOSPITAL: CHURACHANDPUR OPD DOCTOR DUTY ROSTER JANUARY 18, 2017 (WEDNESDAY)

Sl	Name of Doctor	Department	Operation Day
1.	Dr Tunlalman, DLO	ENT	Tuesday
2.	Dr Lalzuitluangi, DGO Dr Mary Joy, MO Dr Niangngailhian, MO	Obst. & Gynae	Thursday
3.	Dr Chinggouman Guite, MD	Psychiatrist	
4.	Dr C. Lalbiakdiki, MD Dr Bidyarani Dev, MO Dr Liangouman Samte, MO Dr Junney Ngailunching, MO	Medicine	
5.	Dr Khamlalman, MO Dr A.B. Meitei MS	Surgery	Wednesday
6.	Dr Shyam Kesho Singh, MS Dr Alex Thangjalet, MD Dr Hegin Tungdim MS Ortho	Orthopedic	Friday
7.	Dr Thangzamang Haokip, MD	Skin	
8.	Dr Kiran Bala, Ayush	AYUSH	
9.	Dr Neison, MD Dr Bidyarani Devi, MO	Pediatric	
10.	Dr Nengkhanmang, SMO	Adolescent Clinic	

BOARD OF SECONDARY EDUCATION MANIPUR High School Leaving Certificate Examination (Private) 2017

Date/day	Morning From 9 am to 12 noon
17-03-2017 (Friday)	English
22-03-2017 (Wednesday)	Mathematics
25-03-2017 (Saturday)	Social Science
28-03-2017 (Tuesday)	Science
30-03-2017 (Thursday)	First Language (Manipuri(MM)/Manipuri/ Bengali/Mizo/Paite/Zou/Hmar/ Tangkhul/ Nepali/ Thadou Kuki/ Maola/ Vaiphei/ Kom/ Ruangmei/ Liangmei/ Hindi Subjects in lieu of First Language Elementary Hindi/Additional English/Elementary Manipuri (MM/ Elementary Manipuri/ Elementary Manipuri (RS).

**CHANCHIN
LAKTAWI**

Mi 2 Sawkkhe leh man

PATNA: Bihar a Kishanganj district a chun zani hmasa kham pasal pahni hai chu Sawkkhe (Tokay Gecko) pahni leh man an nih. Mana um mi pahni hai hi Assam mi ve ve an ni a, mi pakhat kuomah Rs. 5 lakh-a pek an tum niin SSB officer Kumar Sundaram chun a hril. Sawkkhe hi China, Indonesia, Philippines le Southeast Asian Countries haiah demand an sang a hril lein Manipur, Mizoram, Nagaland le Assam haia chun Sawkkhe sumdawngna hi hun iemanichen liemtaah inthawka kha thaw lo ni ta a nih.

Meth mum 2,200 man

CHAMPHAI: Mizoram Excise & Narcotics Department hai chun zankhan Champhai station ah Methamphetamine tablet 2,200 (222.2 grams) leh a neitu Lenpu (28) of Hlasue, Tamu, Myanmar a nih.

Sai pahni electric in a man hlum

COIMBATORE: Zankhan Mettupalayam hmuna Farm pakhat bul lai Sai pahni a pui le a te hai chu electric in a man hlum. Hi laia farm neitu Palanisamy chun a lo thlai venghimna dingin battery hmangin thirhrui a keizang niin a hril a, sienkhawm Battery hmanga power peksuok lein Sai hai an hi zo ring a ninaw lein TANGEDCO official hai chun a hmuna thil umdan an va enfel.

CISF personnel ama le ama an kap hlum

BENGALURU: Kempgowda International Airport, Bangalore hmuna chun zani hmasa kham Central Industrial Security Force (CISF) personnel pakhat Suresh V. Gayakwad (28) of Maharashtra chun an insung buoina nghawm lein ama le ama an kap hlum. Mr Suresh hi Airport a watch towers pakhatna in duty tir a ni a, hi huna a service revolver hmanga ama le ama inkaphlum a nih. Suresh hi chawkr hni vel liemta kham a nuhmei leh an inthe nia hril a ni baw.

Naupang kum 5 mi a kang hlum

SRİKAKULAM: Zankhan Srikakulam district-a Kunapuvanipeta village-ah In pakhatna inthawm kangmei a suok a, pasal naupang kum 5 mi a kanghlum bakah hi insunga cheng midang 4 hai chu n arak lovin a kanghliem taw. Kangmei hi zani zingkar IAM vela kha suok a ni a, In neitu hi nitina inhlawfa M. Narendra chengna in a nih.

UP Board exam hun sawn

LUCKNOW: Uttar Pradesh Assembly election hung um ding lein Uttar Pradesh Board hnuoia Class X le XII exam hun chu March 16, 2017 a inthawka t an dinga sawnhtat nawk an a, exam hi April 21, 2017 chena nei ning a tih. UP hnuoia Board chun December 8, 2016 kham Class X le XII exam hi February 16-March 2, 2017 inkar sunga nei dingin a lo puong a nih.

IMPHAL/STATE NEWS

Tamenglong A/C ah Congress ticket hni um lo

IMPHAL: March 4&8, 2017 haia 11th Manipur Legislative Assembly Election, 2017 hung um dinga hin Assembly Constituencies 60 um hai laia Assembly Constituencies 59 haia inthawm Congress party ticket ngen chu mi 83 an ni a, Tamenglong Assembly Constituency a inthawm ticket hni an um der nawh. Congress ticket hni an tam lein ticket chang dinghai chu AICC sukfel dinga peklut ning a tih tiin MPCC President T.N. Haokip chun a hril.

Zu mana um hai suksiet

THOUBAL: Zanikhan Thoubal district sunga hmun hrn haia man Zu Rs. 1.5 lakh manhu ding hai chu Thoubal Exise department Complex hmuna suksiet a nih. Hieng Zu hai hi December, 2016 a inthawka Thoubal Police le Excise officials han hmun hrn hrn an dapna haia an dapdaw k man a nih. Zani hmasa zantieng 3PM kham Thoubal Police le Excise officials han Thoubal Bazar-a Bokajan Hotel neitu S. Ibotomba in an dap a, chu taka chun IMFL Whiskey bottles 407, Rum bottles 96, Beer bottles 60, Beer cans 120 dapdawkin an man a nih.

BJP in a that pha naw ding thu a hril

IMPHAL: BJP Manipur Pradesh Central Committee Vice President M. Deben chun, Congress a inthawka hnawle luok member a laklut hai kuoma BJP party ticket pekin sukhurat naw ni a, BJP a sukchaw leim ding a nih tiin a hril.

Tripura tribal han Citizenship Act amendment dodal

AGARTALA: Sawrkar thlungpuiin Indian Citizenship Act amendment a thaw tum chu Tripura a tribal hnam sunga pawl 3-INPT, IPFT le NCT haiin an dodal thu an puong a, TTAADC area ah dardar 12 sung total strike an puong baw. Press Conference an neina a chun, part 3 hai chu nitina an thil ngaituo le thaw nuom zangw a dang dang nisien khawm, an inhnikna thlura chu lungril hmunkhat puta an um hlak thu an hril.

Anti-Left platform thar All Tripura Indigenous Regional Parties (ATIRP) in sawrkar hmalakana an dodal zie suklangna dingin bandh huoihawt a ta, INTP convenor NC Debbarma chu ATIRP convenor niin, Jagadish Debbarma (NPT) le Animesh Debbarma (NCT) hai chu Joint Secretaries a ruot an nih. Pawl pathum hai chun hun sawttak ngaituona an nei hnungin, tribal hnam hai tadinga si-etna intlun theitu ding dangna ah thang tlang dingin forum thar chu an siem thu an puong a nih. Ramri kana le inzawmin Tripura a tribal hnam hai chun harsatna an tuok rawp ta hlak a, sawrkarna cheltu BJP in foreigners hai India mi nina (citizenship) pek a tum chu an ditnaw hle a nih. Northeast state abikin Assam le Tripura hai chun ramdangmi an lut rawn lein buoina an tuok hlak a, Citizenship Act chu amendment thaw a passed ani chun, ramdagmi lakh tam tak India mi nina pek an ni ding lein, hmun le hmang le kawng hrn hrn ah a ram neituhaiin harsatna an tuok pha ding a nih. Chu thil dangna dinga an dodal zie suklangna a bandh an thaw tum thu ATIRP chun thusuok a siem a nih.

Pasal pakhatin a nuhmei a khaihlum

TURA: Upper Kharkutta, Garo Hills ah nupa tuok khat hai chu nasatkin an inselbuoi a, a pasal lungsen tawpkhawm chu a nuhmei nataka a vuok hnungin a khaihlum. A nuhmei chu a vuok nasa hle lein khawmuol hrie lovin a um pha hiel a, chu hnungin In-ah a pasal chun keilit in, a thimhakhat a kha ta el a nih. NGH police report dungzuiin, pasalpa chu Amjrit Sangma niin, a nuhmei chu Rasina Arengch (28) a nih. A phut hlimin Arengch chu inkhai hlum anga hril ani a, police haiin investigation uluk taka an thaw hnungin, Amjrit in a nuhmei chu a that hriet suok ani a, post-mortem report a inthawka a thi hmain nataka sawisak ani hriet ni bawkin, a taksa bung hai khawm pangngai taka um ta lo iemanizat a um a nih. Nuhmei hai sawisakna chu Meghalaya state sunga a hlur hle a hril ani a, pawl le mimal khawmin an ditnaw zie wavi tam tak an lo tlangampui ta hlak a nih. Amjrit in a nuhmei Arengch that hielna khawpa buoina an nei chu iem ani t hriet a la ni naw a. Amjrit chu police haiin kawlmekin, wawisun hin court hmaa inlangtir ning a tih.

Melania Trump, Lawmlut Zova Kir Tum



NEW YORK: US President thlang-thar Donald Trump lawmlutna ding Jan.20 (Zirtawpni) huser an nei zovah a nuhmei Melania Trump chun ni hni char Washington ah chamin New York tieng a kir nawk ngahl ding niin a hril. Ms Trump hin a naupa kum 10-a upa Barron sikul kaina ding a ngai pawimaw em em a. Naupang danghai ang bawkin normal taka school daily routine hai thanga a thaw ve a nuom niin a hril a. Nu angin a nau sikul kaina ding a ngai pawimaw a, tutak hin chu



an hriet naw lein Secret Service (President vengtu bik) hai chun agent 290 neka tam an sie lut ding a nih. Thanks Giving Day khawm kham, Barron Trump le a ruolhai Mar-a-Lago, an tuol lai an inhnel a. Tuipui tienga inthawka an tuol zawl vakam a uolau (open) taluo tiin irang takin US Coast Guard le Secret Services ralhuotha chi ngawt leh, tui, khawmuol, boruok an hung sip vawng ngahl a nih. Trump hi a tawng huoi thei lein ama theidatu khawm an tam a. Abikin

Child Sexual Abuse a dingin National Alliance

NEW DELHI: Nuhmei naupang kum tinglo hai nuhmei pasalna kawnga an himna ding ngaituotuo ding le, an inzaumna vawng-himtu ding Ministry of Women and Child Development chun National Alliance siem a tih. National Alliance hai chu online a inthawm ding niin, a huop zau thei ang taka inthawm in, nuhmei kumtinglo hai mawilo taka sawisak an nina hai suktawp tumin thang an lak ding a nih.

Ni 4 sunga a thil tuok iengkhawm hrietna neilo

MUMBAI: Mumbai branch Dena Bank a cashier sinthaw kum 29 mi Vishal Patil chu ni 4 sunga a thil tuok le a umdan iengkhawm a hriet naw nia hril a nih. Patil chu Vile Parle station a inthawm January 11 a inthawka inhmag niin, Vasai railway station-ah zanita hmu nawk niin, a harsuok hnungin ni 4 sunga a fena, a thilthaw le a umdan iengkhawm hrietna a nei naw thu a hril. Patil chu Sangli-ah a

BSF in an bufak a sawiselna thua hearing

NEW DELHI: BSF jawan pakhatin LoC laia sipaihai fak le dawn tha pek an ninaw thu social media hmanga a suklangna le inzawmin, Delhi High Court chun Union Home Ministry chu a ngirhmun indiktak hrieffel dingin thu a pek. High Court chun Border Security Force, Central Reserve Police Force, Central Industrial Security

Jail sunga in selfie lein case siem khum

SIWAN: RJD leader Mohammad Shahabuddin chu Siwan tang-in sungah an selfie lein case siemkhum a nih. Muffasil police station-ah case chu zieklut ani a, hi chungehng hi zanikhan police haiin media hai kuomah an hril daw chaw a nih. Police hai hril dan chun, hi chungthua hin Jail Superintendent chu FIR thelut dingin jail a SDPO le SDO haiin an infui niin an hril. Shahabuddin in kumthar chawkr hmasatataka a lu vaw thar le a thuum thar hai suklangna, anlang danglam tak suklangna dinga Jail sunga an selfiena chu, social media a sukdar ani hnungin mi ngaiven a hung hlaw tah a nih. Shahabuddin chu Siwan a inthawkin RJD MP

Buxar jail break lein Supdt le Dy Supdt suspend

BUXAR: December 30, 2016 a Buxar jail, Bihar a intang tam tak an tlan-sukna le inzawmin, zanikhan Superintendent le Deputy Superintendent hai chu an sinthaw an inthlada leia suspend an nih. Intang tlan suokna chungthua suite ding member 2 umna committee indin niin, chu committee thelutkna dungzuiin suspend an nih a, Central jail Inspector kuoma report pelutin, hi hma khawmin jail warden 3 hai suspend an lo ni ta baw. December 30 kham Buxar Central Jail a intang mi 5 zet

Principal le zirtirtu in kum 12 mi suol hrawn

EHANABAD: Bihar a Kako Secondary School a principal le zirtirtu 3 hai chun an student nuhmeite kum 12 mi an suol hrawn. Principal chu Aju Ahmed niin, zirtirtu hai chu Atul Rahman, Abdul Bari le Md Shakaut hai an ni a, an tlanhngaw lein man an la ni hri nawh. Nuhmeite nu le pahaiin FIR an thelut hnunga thil

HOUSE TO LET

Tiddim Road Opposite ICICI Bank, Lower Lamka-Second Floor-Water Tap facility available for bath and kitchen for all rooms-suitable for student hostel tutorial class etc.
For Details-- Contact: Ph. No. 9862353768 Ph. No. 8974179409

MARKSHEET AND CERTIFICATE LOST

I have lost my Original Marksheet and Certificate of Class XII bearing Roll No. 6696 and Registration No. 11061 of 1999 issued by Council of Higher Secondary Education, Manipur on the way between Tuibuong and Khawmawi. Finders are requested to handover the same to the undersigned.
Sd/- Lilypar
Bethel, Churachandpur
Mobile No. 09862180797

EC in Kejriwal notice pek

NEW DELHI: Aam Aadmi Party (AAP) convenor le Delhi Chief Minister, Arvind Kejriwal chu Goa-a vote campaign neina ah mipui hai chu pawisa la dinga a hril nia intumna lein Election Commission in notice a pek. Sawiselna thu chu BJP haiin an peklut niin, Election Commission chun Model Code of Conduct bawsietna ani leia notice a pek ani a, a chungthu chu ngaven le suichieng mek a nih. Kejriwal chu Election Commission hma ah a ngirhmun indiktak hrieffel dinga ko niin, January 19 chawhngun dar 1:00 PM a inlang dinga ko a nih. January 8 a Goa hmuna public rally a thuhriina a nei laiin, Kejriwal chun mipui hai chu BJP le Congress haiin pawisa an pek la dinga hriina, a vote ruok chu AAP vote dingin a fiell nia intum a nih.

A hnunga chuong hai helmet khum ta ding

AIZAWL: Mizoram Transport Department chun dan thar a siem a, chu dungzui chun motor ke pahni nei (two wheelers) hnunga chuong haiin helmet khum ngei ngei dinga ti ani a, chu dan chu January 23 (thawtanni) a hmang tang dinga ti niin, accident leia thina a tlawmna dinga dan chu siem a nih.

129 of Motor Vehicle Act 1988 hnuoia Supreme Court in Road Safety instruction a thawng angin, motortekhaltu le a hnunga chuong hai chu an himna dingin BSI standard helmet khum ve ve dinga tupek an ni thu Dr Franklin Zotinkhuma, Secretary, Mizoram Transport Department in thusuok a siemna a chun a hril.

Chuong lai zing chun, police haiin dan thar chu hmang a harsa ding thu an hril a, abikin Aizawl khawpui hai anga motortek tamna a chun chona lientak ani thu an hril. Ram-bung dang dangna khawm hi ang dan hi siem le hmang ani a, India-ah Kerala le Tamil Nadu thangin state 8 haiin motortek hnunga chuong haiin helmet khum lo theilo in an ngai baw a nih.

Mexico-ah mi 5 kaphlum

MEXICO CITY: Zanita Mexico Playa del Carmen resort a BPM electronic music festival nei ani laiin, mi pakhatin a silai keidawkin a kap hrut a, silai kap lei chun mi 5 thim midang 15 in na takin an hliem pha. Mithi le hliem hai chu ramdang mi deu vawng nia hril ani a, mithi hai chu Canada, Italy le Mexico mi hai niin, Mexico a American Embassy chun America mi khawm i thi hai lai an thang niin Quintana Roo State Attorney General Miguel Angel Pech chun a hril. Mithi hai nationality chu chieng taka hrietna la nei lo an ni a, mi pakhat chu tuol a suok tawm kawtkhar laia kaphlum niin, BPM security workers 2 mithi hai lai chun an thang ve a, music festival thuneituhai chun security hai 3 kaphlum niin an hril thung. BPM thuneitu hai chun pasal pakhat mal taka um chu silai kappuoktu an thu an hril a, silai a hmet puok zovin anrel hmang ngahl a, a hnung sui-zui thei ta lo a nih.

Thlapa Lawn Nuhnungtak A Thi

WASHINGTON: NASA Moon Mission le inzawma thlapa lawn nuhnungtak US astronaut Eugene Cernan chu kum 82 mi niin zani kham Houston, Texas, US ah a thi. A space mission nuhnungtake a hril angin, "Klawvel ta chaw kan ta nawh a, hnui le van (Universe) ta ka ni tah" a ti angin hnuoiha um ta lovin chatuona dingin vantieng a kai tah a nih. Mr Cernan kha klawvel mi thlapa lawn (lut) sawmpakhatna a nih a. December, 1972 kuma Apollo 17 kha ama commander a nih. Thlapa sung lutna (lunar module) Challenger hmangin thlapa sung a zu tum a nih. A lunar module pilot Jack Schmitt kha thlapa sunga mihiriem lut sawmpahinna a nia chu, Mr Cernan kha Challenger hmanga lut nawn nawk umsun a ni lein thlapa sunga lut nuhnungtak, klawvel mihiriem thlapa leilung sir nuhnungtak ti a ni tah a nih.



A lekhahu "The Last Man on the Moon" ah kham, "Ni thum sung kham ka danglam tah ti ka hriet a. Khawvel ta chaw ka ni ta nawh a, Universe ta ka ni tah. Chatuonin van mi ka ni tah" tiin a lo ziek a nih. Mr Cernan hih 1966 kuma Gemini IX ah khawm at hang a. American astronaut vanboruoka lawn pahinna a nih. NASA a suoksan hnungin Air One airline hnungin aerospace consultant sin hai khawm a thaw a, ABC News commentator a nih baw. Thlapa sunga ni thum

Bush hai unau-in Obama-hai Thlamuon

WASHINGTON: US President fe suok ding mek Barack Obama nanuhmei pahni Malia Obama le Sasha Obama hai inthlana dingin President hlui George W. Bush nauhai Jenna Bush le Barbara Bush chun inthlana thucha siemian an thlamuon a, TIME magazine ah published a nih. Bush hai unau, an pu George H.W. Bush President a nia White House lut hmasatak, an pa George W. Bush President hung ni nawka White House lut nawk hai chun, "Naupang tleiraw tea inthawkin nunghak puittling in hung ni tah ti kan hmu a. White House nun riktak in phur hlak chu a bo tah a. Tuhin chu dan le thupek hrn taluo um ta lo, in dit leia in nei khawm ni lo First Children ti Club ah in um tah ding a nih; in nu le pahai phenah nih tah lovin. "College enjoy unla, keini khawm inhawikan ti ang hin. In inhnikna le phur zawngghai hnawt unla, klawvel pumpui phur in nih ta nawh. Tu'm in na inhriet tum unla. Thawsuol khawm nei thei le phal in nih. Kuoltha nangni ngaimatuhai cheu zawng suok pei unla, a veng theitu ding cheu leh. Nangni inkhituhai cheu chu hmangaitu an ni nawh a, an rawl khawm ngai naw ro. Mi rawl nek'in in lungril rawl ngai lem hlak ro. "Hmantieng thlir pein kum riet sunga in tawngghriet hai puotientang hmang tangkai tum unla. In nu le pa, klawvel eng inhmurtu cheu hai chuh in ta dingin an um zing a nih ti hre unla, keini khawm in ta dingin kan um zing a nih" tiin an thucha hi anni an pek bakhawm Oline ah khawm an post baw. Hi lekha hi Bush hai unauin Obama hai unau kuoma thlamuonnga le infuina thucha an thawn wavi hnina a ni tah. Kum 2009 khawm kham, White House an lut (2008) zo hlium a ni lein an thucha Wall Street Journal ah insio a lo ni tah. Obamhai unau hi 2008-2016 (kum riet White House ah nun an hmang a nih.

Shah Rukh Khan, Lu Tan Huom



in sukna a ni chun in lu ka tan ding a nih, tiin ka hrih hlak" tiin a hrih.

India nuhmeihai humhimna ding hin film star hai khawmin hma an lak nasa em em a. Akshay Kumar lem chun nuhmeihai mani an inveng theina dingin Martial Arts (Kung-fu) dam an chukhtir a. Actor le producer Farhan Akhtar lem chun 2013 a inthawkh campaign chi khat; Men Against Rape and Discrimination (MARD) a lo tan der tah.

Amiruokchu, hieng zing sa khawmin nuhmei hmusitna Hindu India ramah chu nuhmei sawisakna le suoluina case a la tam em em a. A rammichau khawm ni lovin foreigner chen suollui a tam lein khawvêl hrietah a hming a se hle a nih. Sawrkâr khawmin theitawpin nuhmei humhin tumin hma a laka chu suol hi dang thei tak tak a ni nawh.

MUMBAI: Nuhmeihai nina hmusit le an mawina suk-pawrche hi mi tamtak in-hawi an ti laini mi thenkhat ruok chun tha an ti ve der nawh a, nuhmeihai inzataka en ding ti hih an thupui a nih. Abikin, Muslim haiin nuhmei ieng raka an ngai naw vei leh Shah Rukh Khan ruok chun a ngai pawimaw hle niin an lang.

Tulai hnaia Bangalore-a pasal hawn khatin nuhmei iemanizat khawpui ah sunvar lai taka an sawisakna thu le inzawma thubuo hlabuo ai khan Bollywood film star hai an tawng suok

nasa ve hle a. Akshay Kumar, Aamir Khan le Shah Rukh Khan hai hi nasataka dodaltu, nuhmei sawisakna hai demtu an nih.

Femina magazine le interview an neina ah Shah Rukh Khan chun, a nauhai khawmin nuhmei an inza thiema an kawla an um châng khawm mawi taka um hlak dingin an chukhtir hlak niin a hrih. "Ka nauhai pahni Aryan le Abram khawm, nuhmei sukna ngai lo dingin ka hrih hlak. Nuhmei in sukna hlak a ni chun ka vuok ding cheu a nih. Nuhmei in inza ding a nih, in inza nawa

Ciara: Pasal Nei Hmaa Sex Tha Nawh



LOS ANGELES: Ciara chun harsa hlein insum intak ti hle sienkhawm, pasal nei hmaa sex hmang chu tha a ti naw thu a hrih. Tuta a pasal ni tah Russel Wilson leh an innei hma khan, in nei hmaa nupa nun hmang lo dingin thutiem an siema, insum harsa chu a ti hlea, Amiruokchu, insum hram hram kha a lo tha a nih tiin *Cosmopolitan South Africa*, Feb. 2017 issue a hrih.

Hlasakthiem Ciara hin a pasal hmasa rapper Future leh nau pakhat Future Zahir Wilburn an lo nei tah a. A pasal thar ding Russel leh an inhuol laia sex nei lo ding ti hih ama rawtpui ni lovin a pasal rawtpui niin a hrih. Insom an taka chu a tha a, inruolthatna khawm a sukhret zuol niin ka hriet tiin a hrih.

A hrih pei dan chun, "Nupa khawm ruoltha an

gin relationship siem pei chun inhmangaina foundation det tak siem thei a nih. Nupa kâr le hmangaina thuah hlawsamna lo um hlak sienkhawm, ruoltha kir nawkna ding ei nei ti ei hriet zing chun a mi suk thlamuong a nih. Russell leh hieng thu hi open takin kan hrih theia kan vângnei hle" tiin a hrih a.

"A hlâwtling dân le sinthawdan a mak a nih. Nuhmei chun ei lungril tak tak ei hrih suok hlak. Pasal ei hmuiin ieng ang mi am ning a ta tiin ei ngaituo a. An sung tieng belchieng ei tum hlak. Pasal ruok chun puotieng an mi en a - ei puotieng mawina dam an en lem hlak ti hi nuhmei ka ninaa inthawka ka hmusuok a nih" tiin. "Mi tinin hun harsat hun ei nei seng a, inchuk theina ding remchâng khawm ei nei seng baw" tiin a hrih bawk.

Veteran film actress Geeta Sen a thi

KOLKATA: Veteran film actress le stage actor Gita Sen chu zanikhan kum 86 mi niin a thi. Gita Sen chu film siemtu hmangthang Mrinal Sen a nuhmei ani a, ama (Mrinal Sen) khawm kum 93 mi ni in, damnaw le enkawl meka um a nih.

Sen chu a vanglaiin film inlar tak tak hai ah a lo inchang ta hlak a, 'Kolkata 71' le 'Akaler Sandhane' hai hi an changna a inlar zuol deu hai an nih. Theatre movement a khawm mi pawimaw tak ani a, film le theatre personalities tum hai a chengna In-ah fekhawmin sunna hun an hmang a nih.

Shakira'n Naupanghai Ngaisak Dingin

DAVOS: Hlasakthiem le music star Shakira "Waka Waka" chun, zani ta inthawka tan World Economic Forum-a ram thuoituihai chu naupang rethei le huoihung, sikul kaina ding le fâk ding khawm nei zo lohâi thangpui dingin a fiel tawl. UNICEF Goodwill Ambassador a nina anga thu a hriinaa chun, "Wavisuna naupanghai hin zinga business an hung siem ding a nih. An theina le themnain hmatienga harsatnahaie hung sukkieng an ta, zinga ei society ding an hung siem ding a nih" tiin a hrih.

Columbian singer Shakira hin Columbia rama naupang in le lo nei-lohâi thangpuiina dingin Pies Descalzos Foundation an din a, a sin thaw that lein Crystal Award inhlan a nih. "Hi room-a



hin khawvêla mi rupi le thilthawthei tak takhai in um a, khawtlâng buoina le harsatnahaie sukkiengna dingin in thienna le varna, in business le company hai hmang tangkai a pawimaw a nih" tiin a hrih.

Khawvêl economy sukhât dân ding ngaituo dingin khawvêl rambung hnan hnan thuoituihai chu Davos, Switzerland ah an fe khâwma. Rethaina le tharum thawna sukbona

dinga hmalatu actor Forest Whitaker le naupanghai music inchuktira a nêka insâng an inchuk theina dinga scholarship siempektu violinist Anne-Sophie Mutter hai khawm an sin thaw that lein Awards inhlan an ni bawk.

A vawikhatna dingin economic tienga hma sâwn hrât le world economy liena ngai China President khawmin vawituk khan thu a hrih.

Kim Kardashian Dubai Ah

DUBAI: Paris ah suomhmang a tuoka a lungllu le rangkachak le pawisa \$10 million vel ding an lâpêk hnunga a official sin po po chawlsana tuol khawm suok pei lova um, *Keeping Up With the Kardashians* star Kim Kardashian chu a official sin sunzawm nâwk dingin Dubai a tlung tah.

Dubai a tlung hnung hin nau-panghai le inhmui bazaar hai kain, four-wheeling inhnêlin nau-pang lâm thiemhai leh inhmua lâmin hun hlimum tak a hmang tiin a manager chun a hrih. Naupanghai chun a lim umna T-shirt hâkin Kim le hun an hmang thei chu inhawi an ti hle tiin a hrih.

Kim hin T-shirt dum le Jeans a bun a, four-wheeling an thaw lai hin 'fur coat' fuol dum hâkin 'maroon pants' a bun bawk a. UAE hai national bird Falcon (Muvânlai) an vai a va ena, an hnelpui bawk. Bazar an kai lai hin 'skin-tight' vâr 'wool mini dress' a hak a, boots leh baseball cap a kum bawka, an hme hle. Dubai 5-Star hotel a inthawka hung suokin Mall of Emirates a lut a, Givenchy Store ah thil an chawk zovin Cipriani Dubai ah bu a fâk.

Kim hi Dubai-a a make-up artist Mario Devivanovic "Master Class" program-a thang dinga fe a nih. Hi fashion program pui tak hi Music Hall Dubai ah nei ning a tih. October 2016, Paris robbery zova official tour a hmasakat a nih.

Hi hma hin a châng chângin hmu zeu zeu a nia chuh official sin le inzawm an



nawh. Christmas lai kha a nu Kris Jenner party a thang a, chu hma deuh November kha a pasal damdawina um a umpui bawk a. A pasal dam hnungin a nauhai leh kum thar an hmanga, tuta hi official sin a tan nawkna a nih. Kim hi a pasal Kenye West-in a zui thei naw lein Scott Disick-in a zui.

Natalia Portman Lung Awina Hle

LOS ANGELES: America ah women empowerment a hrât ei ti lai zing in rûktakin, abikin Hollywood ah chu nuhmeihai neksawna le thleirhrangna a lan sang hle tho. Pasal nêkin nasataka ditsaklo an nih ti thu tlâng hriet a hung ni pei tah. Pasal le nuhmei hlaw inthlaw dân film company website thenkhat an 'hacked' a inthawk le ama ni tha hlaw inthawka a hmu angin Natalia Portman chun, nuhmei-pasal inthleirhrangna chu rapthlâk a tih hle a, a lung khawm a awi naw hle bawk.

Magazine interview a pëknaa chun, 2011 romantic film *"No Strings Attached"* a changna ah kha a co-star Ashton Kutcher nêkin a lêt thumin a hlâw tlâwm lem niin a hrih a. Hmum tamtakah pasalin Dollar khat an hlaw lai nuhmeiin Cent 80 an hlaw phâk chaw a, Hollywood ah ruok chu Cent 30 chaw kan hlâw phâk a nih

tiin Marie Claire a hrih. Kum 35-a upa, *"Black Swan"* a changnaa 2011 Oscar Award dawngtu le



tulai hnaia US President hlui John F. Kennedy nuhmei Jackie Kennedy chanchin "Jackie" changtu Natalie Portman chun, "Hollywood-a nuhmeihai sawisak kan ni dân hi a rapthlâk a, 'invet thlâk' tak a nih" tiin a hrih.

Sony Pictures website 2015 kuma an hacked a inthawk kha pasal le nuhmei hlâw an pêk dân kimchang tak hmu le hriet a ni tah a. Hi kuma nuhmei hlaw râwntaka record Jennifer Lawrence khawm, 2013 film "American Hustle" ah kha a co-star Christian Bale le Bradley Cooper hai nêk daia tlâwm pêk a nih. Pasal hai a film total profit a

inthawka 9% pêk an ni lain Jennifer chu 7% chaw pêk a nih.

Jennifer Lawrence chun, "An mi lo hêm dân le inbiék ka thiem nawzie ka hriet suokin kei le kei ka lung a sen a, ka lo hlawsam hle a nih" tiin a hrih. Sandra Bullock le Jessica Chastain hai khawmin hlâw chungchânga indiknaw taka thaw an ni thu an hrih suok tah bawk. Oscar Award 2017 hung tlung ding February 26-a neina dinga khawm khin indiknawna tamtak a um an ring thu an hrih. Hitaka hin chu nuhmei le pasal thu lovin, mingo le midum thu a ni a ti ding a nih.

Sports: SPANISH LA LIGA MONDAY NIGHT RESULT

Khuolralah Real Sociedad chun hnena hlu tak an chang

Thawtanni zan, zan sawt hnunga La Liga Match um-sunah Real Sociedad chu Malaga Home Ground - Estadio La Rosaleda Stadium-ah an van zin a. Inkhel hmu nuom um tak va kheelin 2-0 tawpin hnena an va chang a, point pathum an va hlawsuok a nih. First Half chenah goal thun bik an um nawh a, ball khawm an chang inzat thawkkhat hle. A pumpuia enin Real Sociedad chun 57% an chang a, Malaga chun 43% an chang ve thung.

First Half zo hlim minute 50 naah Inigo Martinez chun Real Sociedad ta di-



ging goal hmasa a thun a, chu zo chau minute 57 naah, an tieng bawkin Juanmi hman-ging goal dang an thansa nawk a, chu chu an venghim hne lein muolneitu tieng chun goal khat khawm an thun tanaw a nih. Hi zan hin

entu khawm an thâhnen thawkkhat hle a, mihiem 18057 tawpin an en a nih. Tuhin Real Sociedad hai hi point 32 neini a pangana an ni mek a, Malaga ruok chu point 21 neini a 13 na an ni mek ve thung.

Alexis Sanchez in One Million Tax a peknaw thu a puong

BARCELONA: Arsenal forward Alexis Sanchez chun La Liga-a ankheh sung khan Spanish tax authorities lakah 983,443 euros (\$1 million) indiklo takin a laklut/hum thu a puong. Sanchez chun kum 2012 le 2013 sung khan image right lakah a pawisa laklut hai tax declaration-a a thangsa naw thu a hrih. Chu baka company pakhat-Numidia Trading Limited a neithu iengkhawm a suklang naw thu a hriisa bawk. Chile player hin a thilthaw indiknaw lei hin poisa tam-

tak chawi le non-custodial prison hremna a tuok el thei dinga ngai a nih. Hienga sum indiknaw taka laklut annawle tax pek ding ang pelo lei hin kha hma kha Barcelona le Argentina player Lionel Messi le apa chu tha 12 zet jaila intang ding le poisa 2 million euros chawi dingin hremna pek anlo nita a nih. Chu baka Barcelona player tho Javier Mascherano khawm poisa indiknaw taka a hum lein kum khat jaila intang le 815,000 euros inchawitir alo nita bawk a nih.

Football Association: diving ban in-duong ding

England Football association chun match nei laia player dive hlak le nat anga insir hlak hai suikirna nei dingin hma an lak mek. Official thenkhat hai chu hi chung chang le inzawma dan lo neitha Scotland khawpui-ah inzinin suichingna va nei an tih. England chun player chang mawinaw/kuttlak kawnga chaw dan le dhuon alo siema, tu tieng tieng hin hing ang thil a suok rawn ta lein dan le dun fel taka siem dingin remruotna an hung siem tan a nih. Amiruokchu hi dan siemna ding hin Englanda football thuoitu hai po po remtina lak hmasa ngai phawt a tih. Times Newspaperin a hriildan



chun FA a senior member hai chun an hmatienga suk fel an nuom thu a hrih. Diving le inzawm hin kha hma kha inhnengna um thak loin Robert Snodgrass chun Crystal Palace le an inkhel tumin Hull City ta dingin penalty kick alo hlawsuokta, hi lei hin Robert hin ngaidamna alo inhi ta bawk a nih. Chun Dele Alli khawmin natfawm insir lei in Swansea lakah free kick a lo hmu ta bawk a nih. Hieng ang thil hi Scottish Premiership chu match-ban hremna pek hlak alo nita, tuta season femek tantir lai kha Jamie Walker in Celtic lakah diving leia penalty a hlawsuok chu suikirna neiin two-match ban pek alo nih. Englanda ruok chu playerin lemchangna an thaw lai match official haiin an hmu le chau hremna hi pek hlak a ni ve thung.

African Cup of Nations 2017 thlirna

Group pali umna African Cup of Nations 2017 chu tan mek a nih a, January 14, 2017 kha khel tan a ni a, 15th February 2017 kha Final khel dinga riruung a nih. Kumhni dan peia nei hlak African Cup of Nations (ACN) hi kum 1957 kha tan a lo ni a, tan a ni kumin team pathum chau an thang nghe nghe. Tukuma ACN hi Libya rama inngat ding ti a ni a, amiruokchu kum 2014 kha Libya ramah indona a tam em lein tukuma nei ding hi Gabon rama inngat dingin an thlang nawk a nih.

Hi Tournament-a Champion chu FIFA Confederation Cup 2017 Russia rama inngat dingah Qualify nghal an tih. AFC-a vawisunni chena Champion rawn tak chu Egypt niin wavi 7 an champion tah. Tuta Champion ni lai mek chu Ivory Coast an nih a (anni hi vawihni an Champion-na a nih). Ghana le Cameroon hai wavi 4-ve va an champion ta bawk. Tu chena Overall Top Scorer hai chu a hnuaiahai hi an nih:

Sl.	Player	Goals
1	Samuel Eto'o	18
2	Laurant Pokou	14
3	Rashidi Yekini	13
4	Hassan El-Shazly	12
5	Patrick Mboma	11
	Hossam Hassan	11
	Didier Drogba	11

Tukuma mi hi January 16 zan chen kha Group C chenhai Game khat seng an inkhel ta a, Zani zan (17th January) kha Group D an inkhel bawk a, result ei hung tarlang hman tanaw a nih. Chu dungzui chun Group Standing chu a hnuaia ang hi a nih.

Team	Player	Points
Cameroon	1	1
Burkina Faso	1	1
Gabon	1	1
Guinea Bisau	1	1

Team	Played	Points
Senegal	1	3
Algeria	1	1
Zimbabwe	1	1
Tunisia	1	0

Team	Played	Points
D.R Congo	1	3
Ivory Coast	1	1
Togo	1	1
Morocco	1	0

**Group A Fixture, 18th January 2017
Gabon vs Burkina Faso
Cameroon Vs Guinea Bisau**

Louis Van Gaal in Football Coaching a tawpsan thu a puong

Manchester United, Netherlands, Barcelona le Ajax hai lo enkawl tah, football khawvela hming bo mei mei ta lo ding Louis Van Gaal chun Thawtanni kha Football Coaching a tawpsan ta ding thu a puong. Kum 65-a upa Van Gaal hin Manchester United a enkawl hnung kha Club dang danga inthawkielna dawng sien khawm Club pakhat khawm a en-



kawl ta naw a, nikum May thlaa Manchester United le FA Cup an lak zo hlima an

bân kha a nih. Ducth Newspaper De Telegraaf kuoma a hriil dan

chun, 'Ka chawl hi a hun tah niin ka hriet a, Football Coaching tieng ka lut nawk ka ring ta nawh,' tiin a thutlukna a hrih. Hi thu a puong hma met kha Football chanchina dinga a thilthaw hlawk takhai lein Dutch Government chun Life Time Achievement Award a pek bawk a nih.

Ama hin Ajax, Barcelona, AZ Alkmaar le Bayern Munich hai chu Do-

mestic League a lo lakpui seng ta bawk bakah Champions League Trophy vawikhat bakah FA Cup vawikhat a lak ta bawk a nih. Hieng anga Football Coach hlawting hi an tam bek bek nawh.

Hieng anga thutlukna a siem thutna san pakhat a hrih chu ringlo taka a makpa (a naunu pasal) a thi thut lei a nih tiin a hrih bawk.